

լով Ֆրանսային մի քանի հատուցումներ Փոքր-Հայաստանում եւ Սըլադ-Սարբերդ-Կեսարիայի շրջանի եռանկիւնում, համաձայն սրան կցուած քարտէսի:

Նմանապէս կարելի կը լինէր, հաւանաբար, համաձայնուել ե՛ւ Պաղեստինի շրջանի հողային փոքրացման՝ մեր շահերի պաշտպանութիւնն այնտեղ սահմանափակելով Սուրբ Վայրերով:

Իսկ ընդհանրապէս ասած, առանց մեր պետական շահերն վնաս հասցնելու, Անգլիայի եւ Ֆրանսայի հետ վարելիք ապագայ բանակցութիւնների միջոցին կարող էինք յայտարարել, որ մենք շահագրգռուած չենք Ամազիա — (Ձեղերէ) — իրն Օմար-Տիգրանակերտ-Սամսոն-Մարաշ-Ատանա գծից հարաւ դանուող վայրերով:

Անգլեւֆրանսական նախագծի հետ կապուած բոլոր հարցերի մանրագնին ու խնամուած ուսումնասիրութիւնը եւ ցանկալի կը համարէի յանձնել մի յատուկ խորհրդակցութեան քննութեան նախարարների խորհրդի նախագահի նախագահութեան տակ՝ բազկացած զինուորական եւ ծովային եւ արտաքին գործոց նախարարութիւնների եւ ձերք կայսերական մեծութեան Կովկասի փոխարքայի ներկայացուցիչներից» . (160-61):

Յարը հաւանութիւն է տալիս այս ծրագրերին եւ հաստատում է յատուկ մի յանձնախումբ վարչապետ Շտիւրմերի նախագահութեան ներքոյ: Այս յանձնախումբը քննում է անգլեւֆրանսական ծրագիրը եւ պարզում Ռուսաստանի վերջնական տեսակէտը թիւրքիսայից գրաւուելիք հողերի մասին:

* * *

Ճիշդ է ասուած, որ ախորժակը ուտելիս է բացուած: Ինչքան թիւրքական խնդիրը արծարծուած էր ուստական շրջաններում, այնքան ուստ վարիչները դառնում էին ազահ:

Այս տեսակէտից չափից աւելի հետաքրքրական է ծովային նախարարի 20 Մարտ |2 Ապրիլ թուղթը՝ ներկայացուած յատուկ խորհրդակցութեան: Այդ թղթի մէջ արձանագրելով, որ պատերազմից յետոյ Սեւ ծովը դառնալու է ուստական ներքին ծով, նախարարը դժկամակութիւն է յայտնում, որ Իզմիլսկին

առաջարկել է բաւականանալ Սեւ ծովի եղերքի դրաւումով մինչեւ Օրտու: Քաջ ծովակալը պահանջում է, որ Սինոպն էլ յանձնուի Ռուսաստանին:

Բնականաբար, այսպիսի լայն ծովափ պաշտպանել կարողանալու համար անհրաժեշտ է եւ բաւական խորերը մտնել՝ դէպի երկրի ներսը, այլապէս ծովեզերեայ նեղ շերտը կը լինի վտանգի տակ:

Այս հանգամանքի վրայ է ուշադրութիւն հրաւիրում զինուորական նախարար Բելեայեւը՝ մի առանձին թղթի մէջ պարզելով Ռուսաստանի սաղմագիտական պահանջները: Սա եւս պնդում է Սինոպը գրաւելու անհրաժեշտութեան վրայ եւ յետ է մղում Սաղոնովի սուրհուլութիւնը, թէ Սինոպի շրջանում Ֆրանսացիներն ունին երկաթուղային կոնցեսիաներ եւ չեն համաձայնուի, որ այդ շրջանը անցնի Ռուսաստանին: Բելայեւը բացատրում է, որ Ռուսաստանի համար «Ֆրանսացիների ամբացումը Սեւ ծովին կից մի շերտում անհրաժեշտ է ընդունել անբաղձալի, իսկ ապագային, դուրս է, նոյնիսկ եւ վտանգաւոր» . (181):

Սաղոնովը ամէն կերպ աշխատում է Սինոպի խնդիրը մէջտեղից հանել՝ Ֆրանսացիներին հետ քախումներ չունենալու մտահոգութեամբ, բայց քաջամարտիկ ուստ գորտալարի ու ծովակալի ճնշման տակ խոստանում է պաշտպանել Սինոպի պահանջը: Այդ նրան չի յաջողում. Նիկոյայ Բ. իր Լոնտոնի դեսպան Բինկինտորֆի 17-30 Ապր. մէկ հեռագրի վրայ դնում է հետեւեալ եզրակացութիւնը. «Եթէ մեր բանակին յաջողուի հասնել Սինոպին, այդտեղից էլ պէտք է անցնի մեր սահմանը»: Սաղոնովը շտապում է «ամենախոնարհօրէն» զեկուցանել ցարին, թէ նրա եզրակացութիւնը կարող է առաջ բերել զիւանագիտական բարգուլթիւններ եւ որ անհրաժեշտ է այդ եզրակացութիւնը համարել չեղեալ: Յարը մակագրում է՝ «լաւ» եւ հարցը համարում են ըստ պառուած:

Իրբեւ արդիւնք բանակցութիւնների, Ապր. 13-26-ին ուստ ու Ֆրանսական կառավարութեանց միջեւ տեղի է ունենում նոտաների փոխանակութիւն, որով ճշդորոշում են երկու պետութեանց հողային ակնկալութիւն-